

渭津外記

和書門	白	二	七	二	六	類
	一	三	四	函	號	
	三	冊	架	函	號	

和書類	四	二	七	二	六	類
	一	三	冊	架	函	號
內閣文庫	五	二	冊	架	函	號

內閣文庫	
番號	和 42726
冊數	3 (2)
函號	151 115



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





渭津外記卷之二

洲本府 河野逸撰

忠英公小字千松。初諱正鎮。峻德公之長子。母小笠原氏。東照君之義女也。慶長十六年六月。生于德島城。元和二年。始赴江戶。六年。襲封。時年甫十。蓬菴公代聽國政。七年七月。蓬菴公召重臣。謂之曰。大府以千松之幼。使予攝國政。予也。雖老。大命之重。不可辭也。卿等其併力輔佐。

井伊直孝近江彦根城主也

以族 千松長因出令五條示之其一曰奉仕大府晨昏勿怠二曰事上竭心勿為偏頗三曰宣使心寬臨事能忍四曰僚友親睦不可生嫌疑五曰各守其職勿有懈怠十一月井伊直孝攝部夫人卒蓬菴菴公之女也九年七月大猷君朝京師公往謁九月忠英公叙從四位下任阿波守台德君賜以名之偏字又賜佩刀公於是改名忠鎮後改今諱寬永二年賜暇之國某月歸德島城以歸國之慶賜諸臣以敬樂之觀三年七

五

松平忠長美濃加納城主也

月 台德 大猷二君朝京師 公與島津伊達細川等諸侯皆從八月公任侍從是歲大府有命檢阿波淡路讚岐三州人數四年春公觀江戸蓬菴公撰國規七條以補壁書士民謂之御裏書十二月老臣賀島慶政主水卒五年大府修大坂城有命助役六年五月老臣樋口正直内藏卒長子正長左有故免老職七月松平忠長加賀夫人卒蓬菴公之女也八月老臣稻田植元左馬卒七年正月公

五

習律外記

下北郎

以下所賜禽鳥皆放鷹所獲亦不贅記

松平忠雄備前國山坂主也

納夫人小笠原氏信濃守忠修之女也十月
 千松公子生于德島城公之長子也名曰至政
 八年正月大猷君點茶饗公二月大猷
 君使人以放鷹所獲雁二翼賜公四月又賜
 一翼六月公病麻疹大猷君使青山幸成
 大藏少輔來向病八月千松公子與夫人小笠原
 氏之江戸老臣賀島政重水主山崎正冬書圖等從
 焉九年正月台德君薨是月松平忠雄宮內大輔
 夫人卒峻德公之女也二月大府賜銀三千

枚又賜峻德夫人敬墓院氏以金百枚銀千
 枚蓋台德君之遺物也七月大猷君使人
 以鶴一翼賜蓬菴公又以天鵝三十翼賜敬
 墓院氏十月使青山幸成賜蓬菴公以白銀
 三百枚綿襖三十命許歸國蓬菴公至朝拜
 謝大猷君召見賜鷹一翼既退又賜良馬一
 匹十年公巡省管內南北諸郡有以書訴
 事者下令按之老職益田長行後豐小仕置太田
 衛加右三上治部右等姦事稍頭公命稍田修

習津外記

卷三

古本也

神領山屬河波
名西郡

先是朝親歸國
年月未詳故略

亮赤川八郎左衛門二臣安置長行于神領山大尾
 谷太田三上等處死十一年公親江戸大
 府修江戸城有命助役七月大猷君朝京師
 公典諸侯從寓于東福寺時蓬菴公亦入
 京謁大猷君八月大府賜以封國依舊華押
 證狀是月萬之助公子生于江戸郎公之第二子也
 名曰至照後稱下總十二年大府修江戸
 牛込門有命助役是歲公歸自江戸十三年
 公親江戸十四年公歸自江戸是歲冬肥前

島原賊起大猷君命板倉重昌内膳師帥討

之石谷定清十藏監之課阿波土佐各船送之十五年

大猷君以賊未平以松平信綱伊豆為將益起

兵討之又課沿海諸侯各船送之我老臣池田

玄寅城曰大府近日亦當調各回國兵爾時

我豈可無艦耶公然之僅出三艘不日果

命我出師公急修兵備先鋒既上舟而島原

平報至乃止人皆服玄寅遠慮云是歲公親

江戸十二月晦蓬菴公薨于德島城年八十

參考系譜豫貞
作氏紀

一葬于興源寺法謚曰瑞雲院蓬菴常仙近
 臣洪谷豫貞安太夫後丹没殉之公娶生駒氏生
 二男四女男長為峻德公次為正慶公子
 女一配前田利勝左近將監一配池田由之出利一
 配井伊直孝一配松平忠長蓬菴公為人豁
 達不羈智謀絕倫平易近人諸臣親敬每語人
 曰武人須以愛憐為本又曰可遲而速則無大
 過可速而遲則有大過一日豐臣秀吉召諸將
 議軍事東照君與前田利家又左衛門亦在其列

秀吉時坐胡床顧命侍臣別執胡床予之于利
 家蓬菴公在側謂秀吉曰家康在茲盍予胡
 床秀吉乃使人捧胡床議畢東照君喜謂
 公曰今日無子則予屈于群列矣井伊直孝初
 食二萬石公視其器識卓越以女妻之直孝
 果為大老職食近江彥根三十五萬石人賞其
 先見直孝深感主恩見人稱之公戒之曰唯
 當銘心保之永年勿向人說之直孝深服其言
 公嘗賜家士以祿百石未數日出行輿中作

書又加賜五拾石家士感戴退告老臣曰臣受
 恩僅歷信宿而今日又有與中之命不審何故
 老臣以告公曰予意將與彼以百五拾石然
 有小故且與百石而與上忽思人生朝不謀夕
 故不待歸而命之也聞者悅服公嘗召近臣
 賜以半羶曰寒甚且着之予將以舊羶全者與
 汝而今失其半也如此者數人經月而求之其
 人或失或蓄公善其蓄者為加祿爵一士久
 病不能勤仕一日病向不告而步會公出遊

驚懼跪而拜于路左公下輿而向病慰諭備
 至明日使人賜物士人感泣興源公少時御
 下頗嚴侍臣請蓬菴公戒之公諾而不言
 興源公將覲江戶一日謁蓬菴公告別蓬
 菴公賜之觴酒間公步簷下命侍臣呼犬々
 見公乃逃又手摘米呼雀々群飛來啄公
 顧謂興源公曰前日予杖此犬故犬見我逃
 去予每投米與雀故雀一呼來集夫小民猶雀
 與犬去來在我耳為人主者苟過嚴則民不懷

也。興源公曰敬受教。蓬菴公在江戶時，
 應招至他侯邸，乃散遣從者曰：我歸在晡，汝等
 各任所之，晡時當來迎也。因賜以小銀。如此者
 數次。江戶人河合某又五郎殺池田氏臣渡邊某。
 夫源太走投麾下，士阿部某五郎池田侯屢使
 于阿部氏，求出河合。阿部氏不肯，侯怒，與諸同
 列會議，謀必獲之。若不出之，將發兵奪之。阿部
 氏亦會麾下衆士議拒之。於是列侯麾下互相
 爭鬪，事結不鮮。終聞于大府。伊達政宗陸奥

鏡檜二物今猶
 藏庫云

曰：是非阿波老狐，恐不能解也。蓋老狐能解事，
 以詐。蓬菴公也。幕議是之，乃召蓬菴公，
 聞命乃携紙鏡柏柄鎬而赴江戶。先至池田氏，
 謂其老臣曰：河合氏之事，僕自有處置，請附之。
 吾翌日詣朝，老中宣命，問以處置河合之事。
 蓬菴公對曰：僕今在方外，願以彼賜僕。大府
 許之。命阿部某附河合于蓬菴公，乃携河
 合而去。將歸阿波，至伊豆由井，馭教河合眾放
 之。池田阿部二黨聞之，皆憤怒。明日渡邊氏族

刑馬一作數馬

渡邊某刑馬荒木某又右殺河合以復讐蓋蓬
 菴公知渡邊荒木二人尾河合而來故放之令
 復其讐也聞者感其練先十六年公歸自江戸八
 月石松公子矢謚曰齊橙葬于興源寺十七年
 公觀江戸十八年公歸自江戸采女公子
 生于德島城公之第四子也名曰興龍是歲
 大府有命改定阿波土佐人數十九年公觀
 江戸三月千松公子初謁大猷君時年甫
 十三興執公子為老臣池田玄演義子二十年

公歸自江戸千之助公子生于德島城公之第五
 子也名隆喜後稱隼人正保元年三月老臣山
 田宗登織部卒是月公觀江戸十一月老臣中
 村可近若狹卒二年公歸自江戸公女生于德
 島城名清六月正勝公長女卒蓋嫁于黑田
 氏離婚之女也三年公觀江戸獻阿波淡路國
 圖及郡村名簿老臣益田長行有罪伏誅先是
 長行以罪安置怨憤不止託妻弟加賀人阿彦
 某左馬訴冤阿彦乃贈書于我老臣曰益田長
 某之訴冤阿彦乃贈書于我老臣曰益田長

行有勞無罪阿波侯徒聽老臣長谷川氏之謔耳詩復彼祿爵不然吾求姻緣將訴之 大府也時 公在國使家臣伊吹某想右持阿彥書至江戶因井伊氏呈之老中以詩鞠治於是大府召阿彥責問阿彥對曰臣不知其詳但受長行託也詩召長行問之乃召長行及長谷川貞恒越前鞠之時老中松平信綱伊豆阿部重次對馬側用人中根某豐後大目附井上政清筑後守宮城和甫越前町奉行神尾某備前坐廳聽

訟二人別陳未決而止有命附長行松平某周防守護之他日再會聽訟堀田正盛加賀井伊重孝掃部亦在坐老中酒井忠勝辯自詰問之長行所訴數條一曰長谷川貞恒為主製艦其製犯法及 大府使巡見使來乃改造小之二曰 殿下承統之日貞恒竊獻誓書于土井侯大炊臣聞之于坪内氏三曰下田某市郎門護耶蘇宗教吾主命貞恒鞠治之貞恒以典下田親宗而不治言未終忠勝問曰汝聞

誰言乎。長行對曰。聞之于掃除坊主。今忘其名。又不知其存亡也。忠勝以長行言。責問貞恒。貞恒答曰。臣為主造艦。而船工誤高大其製。逢風太危。故請改作之。吾主乃以書告之大坂船手奉行小濱部氏。而答書許改造。其書猶在。乃出之袖中。獻之貞恒。又曰。長行曰。殿下承統之日。臣獻誓書于土井君。是所決無也。忠勝乃召坪内問之。坪内覲長行曰。彼老耄妄造言耳。臣不知也。貞恒又曰。長行以下田氏事。委臣為

罪。然臣爾時以罪潛居。蜂須賀某山城專斷國政。臣不聞知之也。其他長行所訴。一一分疏。皆有明證。於是訟決。長行伏罪。有命附長行于公。罰任我意。附阿房于水野某。錮之。井伊重孝。謂公曰。長行老病。路次或斃。若瀕死。則以死刑告之。若不死。就國。則可速處死矣。公即日遣人囚長行。置之于芝郎。明日護送之于阿波。數日長行果斃于路。其子某外孫某藤皆伏誅。四年六月。奉命築江戶田安門。鞠町門之石壁。

又後西郭隍一日大猷君自臨視之公出而迎之老臣賀島政玄、山田宗春、長谷川貞恒率吏督役大猷君召見勞之十一月畢功是歲公歸自江戶慶安元年十二月大猷君命千松世子加元服叙從四位下任因幡守賜以名之偏字且許稱松平氏又賜佩刀於是世子改名光隆時年十九此日獻大刀一柄白銀三拾枚吳服二拾品于大府謝息又獻大刀一柄白銀二拾枚吳服十品于家網

有馬屬攝津

君二年公在國大猷公特旨賜鶴蓋公在江戶雖每歲賜之在國受賜此為始云四月世子納夫人小笠原氏信濃守長繼之女也五月有命改定阿波淡路讚岐國垣人民六月世子詣日光山謁東照君廟獻物有差歸後乞暇歸國路浴有馬溫泉八月加出公女矢年五年三月公觀江戶三月老臣稻田示植修理卒年七十四示植年甫十四小田原之役從主于軍朝鮮之役航海前後七年關原大坂之諸役

皆建勲。東照 台德二君命為淡路城代。正保三年致仕。長子植次襲職。明年加四千石。保前一萬四千石。是歲三月。大府營西城。公獻木助工。六月。大猷君召。公面命曰。細川六丸越中守。幼襲父後。煩卿保護。公謹拜命。六丸者。肥後守光尚之子也。九月。家細君遷居西城。公獻漆器五篋。四年春。歸自江戶。四月。大猷君薨。嚴有君承統。十二月。至。照公子。任飛驒守。改名正武。後又改隆重。承應元

漆器俗所謂梨地重箱也

年春。公觀江戶。三月。老臣稻田植次九郎卒。時。公在江戶不豫。大府使多賀某左近向病。又命老中致書。向病狀。使阿部忠秋禮後率侍醫半井菴那須竹玄野間行三三名來診。蓋特恩也。時。世子將赴江戶。是月。駕發德島。行至近江。宿石部驛。聞。公病。晨昏兼程而行。四月。公病大漸。四日終薨。年四十二。嚴有君聞訃。悼惜。使松平某和泉予之。且賜以銀三百枚。群臣奉喪歸阿波。八月。葬于興源寺。法諡

曰興源院熙峰天庸近臣林元次衛兵大内
 某六郎殉之。公娶小笠原氏生五男二
 女長為世子次隆重萬之次某石次隆矩藏人次
 隆喜隼人女一配老臣稻田植榮九郎一矢始
 公奉命保護細川六九一日携之詣朝六九猶
 幼見殿上壁画欲獲之。公以小刀割取與之
 退謂家臣曰。大府若有修壁之命汝等修補
 之既而幕議藉レ欲咎公。老中某曰非有如
 此器識者不能保護六九也置而不問。夏秋之

助仕橋在德
島城北

間家士多携酒至助仕橋分隊納涼。公嘗夜
 登城樓臨視使人竊察其為誰遊人知其奉命
 而來故強之酒前隊既辭而後隊又強之其人
 終大醉返城見公告實。公曰家士皆安于
 我土不亦悦乎其上下相和如此。光隆公小
 字千松諱至政。興源公之長子母小笠原氏
 信濃守忠脩之女也。寬永七年十月生于德島
 城八年始赴江戶十九年三月謁大猷君時
 年甫十三。慶安元年十二月叙從四位下任因

備守 大猷君賜以名之偏字改今諱承應元年五月襲封二年五月公詣日光山謁東照君廟六月京師大火 皇宮亦災 公獻金助工十二月 公陞待從任阿波守三年公女生名幸明曆元年五月 公歸自江戸路浴于相摸東澤溫泉七月生母小笠原氏卒法謚曰齡照院惠光呈圖葬于江戸淺草海禪寺二年二月 千松公子生于江戸邸公之長子也名曰正能七月老臣中村近照美作有罪安置于


今津在德島城南數里

撫養屬板野

仁字山先是近照奉命役于淡路而密遊于京攝驕淫無度事覺命沒祿壽 公憐中村氏勲舊絕祀以其子富叔即三為嗣新賜二千石為中老冬 公在國遊今津病痘疹 嚴有君聞之使 公弟隆重飛驒公之國問病未幾病愈三年正月江戸大火延燒我龍口吳服橋及中三邸三月 嚴有君特旨以隆重公為詰眾賜俸三千石 公獻綿襖及馬價以謝恩四月公狩于撫養大毛山獲鹿六十四足是歲改定阿波

淡路西國人數萬治元年正月江戶又火燒我中
邸及八町堀邸十一月世子始結髮三年正月世
子行着袴之儀十一月老臣賀島政重正水卒
寬文元年正月江戶又火龍口吳服橋及中三
邸又焚三月公狩于勝浦郡八多村獲鹿三
百二十六疋七月老臣長谷川貞周註卒二年
二月世子始謁嚴有君三年八月故老臣長
谷川貞恒卒貞周父也四年四月獻阿波淡路西國
郡村名簿有命賜以封國依舊華押證狀先是阿

波分為十三郡一曰名東二曰名西三曰板東四曰
板西五曰以西六曰麻植七曰阿波八曰美馬
九曰三好十曰那東十一曰那西十二曰海部
十三曰勝浦至是 大府有命曰古分阿波為
十郡宜復其舊於是合板東板西二郡為板野
郡合那東那西二郡為那賀郡又合以西郡于
名東郡定為十郡是歲水野貞義十郎左有眾
自盡 大府有命幽其冢成壽又八于阿波其母
峻德公之女也故母子共来于德島 公置之于物



任五年。大府有命免置質于江戸。先是諸侯皆以親戚為質。置之于江戸。至是免之。伊豫西條城主一柳直興勘驕恣虐民。大府罰之奪其封。命公鎮撫之。公乃遣家臣折下覺衛門左下條大右太田忠等數十人往鎮其地。明年大府以小島某俗稱為群尹不詳來代。於是折下下條太田等皆返。六年正月。峻德夫人德川氏卒。法謚曰敬墓院。妙法日詔葬于德島敬墓寺。四月。公以長女幸嫁于丹羽長次。左京大夫公在江戸。

不豫。大府使安藤重博馬問病。不日又使土屋數直但馬來。五月。公病大漸。二十七日終。薨年三十七。嚴有君聞訃悼惜。使板倉重矩正四賜之。且賻以銀三百枚。群臣奉喪歸阿波。九月葬于興源寺。法謚曰南崇院。乾德剛漢。公娶小笠原氏。生一男一女。男為世子。女配丹羽長次。公在江戸。一日城中火起。諸侯走而救之。公上馬至龍口。邸遣留主守居告老中曰。火在城中。不敢入。謹俟。

指揮老中諾之。須臾火滅，乃返。時諸侯走救者，至城不許入門，或被逐而去。人服公達事體，小民有罪，有司議罰，或曰放，或曰誅。老臣賀島重玄、山田宗春定議，罪為當誅，奏之。公未可。夜半忽起，召二臣曰：「予不眠以思彼罪，雖大亦非無生理，放之而可也。」二臣感泣，對曰：「臣等議疎退而安眠，今領尊旨，不堪感淚也。」因命放之。公時出遊放鷹，每使老臣從行，鞋綦解則命使結之。網通公小字千松，諱正能。南崇

公之長子，母小笠原氏信濃守長次之女也。明曆二年二月，生于江戸邸。寬文二年二月，始謁嚴有君。時年甫七。六年七月，襲封以幼大府使叔父隆重飛驒守。公攝政。十月，大府遣目附蒔田某八即左衛門、千本某兵衛左衛門，來于阿波，巡見南北諸郡。十一月，大府使人賜雁。七年七月，德島火，內街皆焚。十月，公浴于伊豆伊東溫泉。八年二月，同有馬賴利玄蕃頭奉命衛護，增上寺以備火災。九年冬，公患

洲江外記

卷之四

洲江外記

卷之四

痘。大府使井上某相模向疾。十二月有叙任之命。公以病不能拜命。十年正月。公以痘愈詣朝。七月。大府又遣目附荒木某左衛門部某外記來阿波檢阿波淡路兩國士民戶數稅入。九月。公浴于伊豆古桑溫泉。十二月。嚴有君命。公加元服。賜以名之偏字。叙從四位下。任侍從。兼阿波守。且賜短刀。公於是改今諱。十一年七月。公共榊原政倫式部約婚。十一月納幣。八月。公詣日光山謁。東照君廟。

十二年十月。公年甫十七。隆重公建言復政于公。大府許之。公於是親政。延宝元年四月。公歸自江戸。五月。京師大火。皇宮亦災。公獻木助工。九月。公覲江戸。十一月。大府使人賜鶴。二年五月。公歸自江戸。是歲改定阿波淡路兩國民數。十月。老臣池田玄寅内膳後卒。玄寅紀伊守信輝之裔。而蓬菴公之外孫也。三年三月。德島大火。延燒内新街及魚街。四月。公覲江戸。大府使人賜天

河津
一
本

鶴是月。公納夫人柳原氏。式部大輔政倫之
甥也。十一月。大府使人賜鶴。四年五月。公
歸自江戸。八月。生母小笠原氏卒。法謚曰泰壽
院。劉覺性諱。葬于江戸廣德寺。五年三月。公
覲江戸。公養隆重公之女千代鶴為妹。許嫁
于井伊直興。顯掃部未婚而卒。六月。堀田正信上
介有罪。大府附。公幽之于國。正信時在若
狹。公乃使家臣西尾驍折下覺左衛門速水源五
門小野又兵衛等。率士卒三百五十餘人。鞍馬五

姬路屬播磨
飾東郡柳原
氏之封也

匹以迎之。既至。幽之于福島。十二月。大府使
人賜雁。六年四月。公歸自江戸。七月晦。公
薨于德島城。年二十三。嚴有君聞訃。歎惜。使
板倉重種字見予之。且賻以銀三百枚。八月。葬
于興源寺。法謚曰德音院。天海文璞夫人柳原
氏。大歸于姬路。公在國。一日出遊。至勝浦川。
網魚。獲太少。將供晚飯。公命斫魚。各如從行
人數。分賜之。居室前一樹長茂。蒨鬱障簷。有司
請伐之。公曰。是先君所植。不可伐也。公好

明神
本

接木植梅于箱。接以別枝。見其漸生芽大樂。一日小臣誤折其枝。近侍為之皆懼。公見而不怒。曰是必猶之所為也。命徹之。公好和歌。其在江戶欲購和歌明題抄。向其價曰三十金。公曰。今以國用不足。大下節儉之令。徹家臣常祿二十分之一。而以私翫費三十金。義不可為也。則命侍臣選善書者。騰寫之。或云安宅某兵部能書且捷。乃命之。安宅受命勉強。明題抄二十冊。卷帙不少。書肆借覽。以五日為限。而安宅騰寫兩日。

半而畢。公大喜。賜以襖子。安宅席上賦詩謝恩。初公臥病。隆重公在江戶。請省公病。七月。至德島。晨夕省視。病間。公與隆重公議。以公無嗣。立叔父隆矩藏人長子龍之能太。即為嗣。以書請之。大府々々許可。是月公薨。八月。隆重公召諸老臣。告以立龍之為嗣。且諭以奉護不怠。各令呈誓書。是月。隆重公薨。阿波歸江戶。九月。老臣山田某豐酒部某舍奉龍之公。至江戶。改名正傳。十月。有命使正傳公

襲封老中久世廣之大和謂隆重公曰阿波侯
尚少子宜攝國政隆重公辭曰某近病苦且老
豈當其任敢辭廣之曰子若辭之誰輔佐之隆
重公不得止而拜命是歲公將分墾田五萬
石與隆重公請之大府許可於是隆重
公列為通侯乃還納舊俸三千苞子大府且
以病辭職細矩公小字熊太郎初諱龍之後
改正傳典源公之第四子藏人隆矩之長子
母松平氏紀伊家臣松平某內藏之女也寬文

天正十三年蓬
菴公奉秀吉命
以猪山為本城
改名德島後改
德島為渭津未
詳在何年

元年五月生于德島延寶六年八月為德音
公嗣九月始赴江戶十月襲封改渭津為德島
蓋復舊号也十二月嚴有君命加元服賜以
名之偏字叙從四位下任淡路守且賜佩刀
公於是改今諱時年甫十八獻大刀一柄綿襖
十枚及馬價謝恩七年二月大府以令五條
賜公其一曰家臣及國政處置須學前阿波
守二曰萬宜與老臣熟議而後行之若有不決
可告之于官三曰若與隣國或生異議妄不可

長十郎一作長三郎
或曰鳥不書名者皆雜也

柏首鶴鳥名未詳疑是鶴渠也或曰鶴也

出兵宜受目附指揮也。四曰邪蘇宗教屢加制禁堅守為要。五曰高估農民當憂憐令不至困窮也。三月大府使日附溝口某孫左川口某長十郎未詳來。四月大府使人賜鳥何鳥是月大府有命衛護增上寺以備火災。七月又賜鶴。十二月又賜雁。是月公任侍從。八年四月老臣賀島重玄壬辛是月大府使人賜梅首鷄。五月嚴有君薨幕議將葬之于東嶽山寬永寺而增上寺僧徒憤怨與其徒會議

謀奪輜車曰若不能奪則放火于我寺同宗共亡事聞大府命公及有馬賴元玄蕃為之備。賴元曰當速至彼寺誅滅僧徒也。公曰今雖有命事未可知待大府重有指揮而後就誅之耳。乃命諸臣大修戎備而鳥銃濫鑄銃丸皆帶古色。老臣賀島重卿主命以沙磨銃又大桶盛沙投丸踏之頃刻銃鑄皆消丸如新鑄人驚其巧思戎備既成而僧徒果不能發終無事而止。先是有命幽堀田正信于我國

正信聞 嚴有君薨愁嘆自殺 大府以為防
 護有闕七月板倉石見渡邊大隅二使來我邸
 宣命使 公闕門潛居至十一月而免隆重公
 亦坐之潛居閱月而免 公奉命授正信子
 及其臣祿有差天和元年正月 常憲君
 詣增上寺 公奉命從馬是歲 大府以駒井
 某次郎左衛門小田切某喜兵衛水野某小左衛門三名為巡見使
 五月自讚岐來阿波數日去入土佐六月 大
 府奪松平光長越後封放其子綱國三河于備

後命黑田甲斐水野美作二氏監護之使我出
 船于大坂迎而送之于備後十月以國用不足
 徵家臣常祿十分之一十一月始造楮幣号为
 銀札以交金銀用之于阿波淡路兩國二年正
 月 大府使戶田可昌山城賜以時服三十領
 白銀三百枚命許歸國 公詣朝謝恩 常憲
 君召見又賜良馬一匹六月 公歸自江戶七
 月江戶火焚我日黑邸八月 公巡省管内
 南北諸郡十月巡省淡路是歲朝鮮人來聘于

江戶 大府命諸侯路次出鞍馬備之 公管
 自吉田涉至三島即數驛又出船于大坂迎送
 之十一月江戶又火焚我芝町濱三郎三年四
 月 公親江戶九月水野成貞出雲夫人卒
 峻德公之女也貞享元年正月老臣山田宗
 春豐卒四月獻阿波淡路兩國郡村名簿于
 大府五月 公歸自江戶十一月 大府賜以
 封國依舊華押證狀時 公在國隆重公代
 公詩朝受之 公乃遣老臣長谷川貞長註于

江戶謝恩二年三月 公親江戶是月德島大
 火發自免許街至秋田街而止延燒凡四百六
 十七家八月老臣賀島重御是月卒 大府使人
 賜鶴三年五月 公歸自江戶四年四月 公
 親江戶九月阿波大風雨洪水溢堤大損田圃
 元祿元年正月德島大火發于新街至西船場
 街而止延燒凡二百六十一家大府再
 以隆重
 公為詰衆五月 公歸自江戶先是水野成春
 又八以兄故幽于阿波至是得赦歸于江戶後

列麾下食三百石二年四月公親江戶檢管
 内耶蘇宗教族類造簿献之于大府十二月
 大府使人賜鶴三年五月公歸自江戶七
 月大府創建聖堂于本郷堀平令隆重公督
 役十二月落成常憲君等之召見慰勞賜服
 十品又賜衣服白銀于執役家臣有差四年四
 月公親江戶五月小太郎公子生于德島城
 公之長子也七月隆重公建言請復政于
 公大府許之公於是親政十二月大府

使人賜鶴五年五月公歸自江戶六月熊二
 郎公子生于江戶邸公之第二子也後改称
 加茂之助十一月小太郎公子矢以加茂之助
 公子為世子六年二月老之亟公子生于德島
 城公之第三子也四月公親江戶岩丸公
 子生于德島城公之第四子也七年常憲
 君講易于殿中公與諸侯列坐聽之五月
 公歸自江戶十二月生父麻唯月公卒于京師
 年五十四法謚曰顯真院唯月玄派葬于京師

南禪寺公小字雅樂名興執後改隆矩又改真
辰興源公之第三子寬永十九年為老臣池
田玄寅義子後辭之別為老臣食五千石又
加三千石延寶六年辭職為公族削髮号麻
唯月寓居于京師柳馬場至此而卒八年二
月江戸火延燒我芝濱町三郎四月公覲
江戸五月左門公子生于德島城公之第五
子也九年世子行着袴之儀改名執虎後又改
執誠三月常憲君又講易公與諸侯列坐

聽之五月公歸自江戸十年四月公覲江
戸十一年奉命築江戸小石川別館石壁既成
常憲君召見賜服家臣執役者亦皆有賜七
月公歸自江戸九月江戸火我執口郎又焚
有命代以鍛冶橋郎十二年貸金于家臣四月
公覲江戸老之丞公子矢九月江戸鍛冶橋
郎造營成公與世子遷馬十三年正月老臣
山田宗明織部卒五月公歸自江戸七月岩丸
公子矢八月獻阿波淡路兩國郡村名簿于

側室興津壹五
郎女也

大府十四年四月。公觀江戸十五年二月。世子始謁。常憲君三月。公女生名紀伊。後改龜。五月。公歸自江戸十六年四月。公觀江戸。是月以側室興津氏名為夫人。十月。丹羽長次左京大夫夫人卒。南崇公之長女也。十一月。江戸地大震。人家崩倒。癸火延燒我芝濱町三郎室。永元年正月。世子始行着甲之儀。五月。公歸自江戸。十二月。生母松平氏卒于德島城。法謚曰慈照院真淨貞嚴。葬于城西瑞嵩寺。二年。

四月。公觀江戸。閏四月。使家臣小倉某半左衛門詣老中小笠原長重佐渡守邸。請使世子每佳節詣朝。述賀傳命許之。十二月。隆重公致仕。削髮。號寬樂。義子隆長公襲封。任飛騨守。三年二月。又使小倉某詣老中大久保忠增加賀守邸。請使世子每月朔望。廿八日詣朝。述賀傳命許之。四月。公詣日光山。拜東照君廟。五月。歸自江戸。是月夫人興津氏卒于江戸。法謚曰蒼龍院南室宗薰。葬于淺草海禪寺。大府使老中以書弔。

關津日記

卷之七

公且使、番本多某^{少彈正}予世子十二月、常
 憲君召世子、賜以名之偏字、許稱松平氏、叙從
 四位下、任修理大夫、賜以盃及良刀、世子於是
 改名吉武、四年四月、公親江戶、五月、芝郎新
 成、世子遷居馬、是月世子約婚、蓋松平綱清^{伯春}
 守之義女、而右衛門督吉泰養為妹、配之世子
 也、八月二十四日、寬樂公^{前飛}薨于江戶邸、年
 七十、法謚曰月江院、蘆錐雪公、葬于淺草海禪寺、
 十月、諸州地大震、我兩州海溢、潮湧、漂家壞田、

損傷人畜、十一月、大府有命、禁諸侯製銀札、
 是月世子加元服、五年二月、老臣長谷川貞長
 卒、是月京師大火、皇宮又焚、公獻木及金
 以助工、四月、左門公子出為支封、隆長公嗣、改
 名隆壽、是月、公將歸自江戶、取路于木曾、五
 月、歸國、六年正月、隱岐公子生于江戶邸、公之
 第六子也、世子患痘、經日而痊、時年十八、是月
 常憲君薨、文昭君承統、公遣老臣山田
 宗明^{織部}、獻刀賀之、世子亦詣朝拜賀、四月、公

親江戶隆長公嗣子隆壽下總守以病辭嫡十一
 月歸于阿波改稱万二郎隆長公於是請隱岐
 公子為嗣公聞之于大府有命許可十二月
 世子納夫人松平氏七年正月以側室安西氏
 為夫人名五月公歸自江戶是歲大府以
 宮崎某七郎右衛門箕某新太堀某八郎右衛門三名為
 巡見使六月自土佐來德島館于新街公就
 而見之七月去入讚岐未幾自讚岐入淡路
 艤艦送之大坂正德元年正月江戶火延燒我

芝濱町三郎四月公親江戶五月獻阿波
 淡路西國郡村名簿是歲秋朝鮮人來聘于江
 戶大府命諸侯路次出鞍馬備之公管自
 大垣美濃至濱松遠敷驛又出船于大坂迎送之
 十月八五郎公子生于德島公之第七子也是月
 大二年大府賜封國依舊華押證狀五月歸自
 江戶十月文昭君薨有章君承統三年四
 月公親江戶使家臣坪内某能詣老中井上
 正岑河内郎請使世子之國五月老中以書傳

椿泊屬阿波
那賀郡

命使 公與世子詣朝許世子之國賜以時服
三十領良馬一匹是月世子初入德島城時年
甫二十二六月源吾公子生于德島城 公之
第八子也四年二月世子狩于撫養大毛山島
田山六日而歸三月世子觀江戸五月 公歸
自江戸九月隆長公薨于江戸邸葬于淺草海
禪寺十一月 大府命嗣子正貞公改隱襲封五
年四月 公觀江戸五月世子歸自江戸居西
城六月公女生名佐賀十一月世子狩于椿泊

是月公女生名順十二月江戸火焚我鍛冶橋
邸 公遷居于芝邸 大府以使番井上某左
慰向之享保元年正月 大府以我木邸火許
公歸國 公詣朝拜命二月歸自江戸三月
世子觀江戸四月晦 有章君薨 有德君承
統六月公女生于江戸名乙後改音是月順姬
矢法謚曰慧室知性葬于德島瑞嵩寺二年正
月江戸鍛冶橋邸營築成又火此日支封正貞
公吳服橋邸亦火遷居于我小名木澤邸二月

備前守記

三十一

本紀

公女生未名而夭。三月，老臣山田宗明部卒。四月，公親江戶。五月，世子歸自江戶。大府以津田某外記駒井某求馬大久保某源左三名為巡見使。是月自土佐來阿波，數日去入讚岐。六月，源吾公子夭，葬于德島慈光寺。九月，大府賜封國依舊華押證狀。十一月，公以第六女姬嫁于井伊直惟掃部頭。十二月，鍛冶橋營築成。公自芝郎遷居馬。是月江戶大火。大府急命公救增上寺。公即時乘馬出，指揮部下消

火二十五處。三年正月，大府召公于朝。老中傳命曰：去歲之火，以增上寺之廣，能救之，可謂勞矣。公拜謝恩命而退。三月，世子親江戶。五月，公歸自江戶。是月江戶我立賣郎火。四年二月，公修峻德公百年法會，召僧誦佛書。明日賜家臣酒，蓋祝遠忌也。四月，公親江戶。五月，世子歸自江戶。是歲秋，朝鮮人來聘于江戶。大府命諸侯路次出鞍馬備之。公管自淀城至新居遠數驛，又出船于大坂迎送之。

七月。大府使人賜天鵝。蓋嚴有君後無復
賜禽之事。至是又有命。五年三月。世子覲江戶。
五月。公歸自江戶。七月。大府使人賜世子
以天鵝。九月。老臣稻田植幹八郎後卒。十月。
大府修常憲君十三年法會于寬永寺。世
子往參祀事。六年正月。江戶我檜物街邸火。四
月。公覲江戶。五月。世子歸自江戶。閏七月。德
島花島別莊火。延燒西城子舍。九月。獻阿波淡
路西國田圃人數之簿于大府。十一月。大

府使人賜雁。十二月。公女生于江戶。名緣。七年
正月。公女生于江戶。名教。二月。德島富田東莊
火。三月。世子覲江戶。是月。大府命減諸州佛
寺。先是諸侯有獻于大府。亦賜物為例。
至是有命。大減其數。世子生女于德島西城。
公命名元。五月。公歸自江戶。七月。大府有
命。徵諸侯歲稅百分之一。許使諸侯覲江戶者
半年而歸。九月。老臣稻田植治大卒十一月。
大府使人賜世子以雁。十二月。德島藏所藏司

火延燒會所議政會八年二月江戶火延燒我

芝濱町三郎世子遷住于鍛冶橋郎三月又遷

目黒郎九月公觀江戶十月世子歸自江戶

十一月大府使人賜以雁九年二月大府

有命衛護增上寺以備火災先是伊達氏奉命

護增上寺以其郎罹災使公代之也四月

公歸自江戶五月世子觀江戶六月井伊直惟

掃部夫人卒十月大府修文昭君十三年

法會于增上寺世子往參祀事是歲阿波淡路

兩國大旱耗賦稅拾六萬千七百七十餘斛十一

月奏之大府是月大府修常憲君十七

年法會于寬永寺世子往參祀事十二月芝郎

營築成世子遷居馬世子以和歌教章託中院

通躬前大公乞靈元法皇正一成傳送世子

大喜十年正月大府使人賜世子以雁又以

驛賜鶴于公三月世子病浮腫醫藥無驗五

月二日卒于芝郎年三十四法諡曰仁良院哲

宗紹濬葬于淺草海禪寺建碑于德島興源寺

以藏遺駿。大府使老中以書予。公世子為人寬仁正直，天性恭敬，雖燕居獨處，凝然危坐，未嘗有惰容。所行有常，處事精詳，遇下有恩，群臣皆樂奉事之。又好武技，弓馬劍槍無不精練。幼善和歌，探題命意常挺出于人，屢召儒臣講經讀史，每日人主之側不可一日無儒臣也。深以殘忍為戒，曰：苟為人主者不可不仁也。如楚項籍非人也，又常愛蜀先主，勿以惡小而為之，勿以善小不為之語，屢稱嘆之。嘗曰：人不可不

知大體也。夫公侯自有公侯體，大夫自有大夫體，士自有士體，能識其體而處其宜則可矣。世子年甫五，在江戶邸，羈小禽甚愛之，使茶道茶掌者露木宗悅護之。一夕忽被勔勔食，侍臣大懼，使宗悅屏居告世子以實，請罪。世子怒而入內，須臾又出，謂侍臣曰：凡事當熟慮，昨夕之事予將罪宗悅，退而思之，勔勔食禽其職耳，宗悅豈使為之耶？命復舊職。聞者感泣。六月，公以無嗣，將立支封正貞公為嗣，遣老臣長谷川貞篤

江戶外言
三十四
本村也

伊中村重政二即九于江戶託小野某二即右

及井伊直定守日幡請之于大府七月老中以

書召正貞公及直定于朝傳命以正貞公為

公嗣其封五萬石及江戶別邸皆歸之于公

唯吳服橋本邸納之于大府此日正貞公

自吳服橋邸遷居于鍛冶橋邸公遣家臣稻

田某平一于江戶謝恩八月井伊直定代公

伴世子詣朝謝恩是月世子遷居于芝邸九月

公覲江戶十一月大府使人賜雁又有命

衛護東叡山以備火災是月老中水野忠之和

守召我留守居曰大府近日將以世子叙從

四位下賜諱之偏字請聞配之字於是公遣

留守居請以貞字配偏字并稱伯耆守或稱相

模守十二月老中以書傳命召公及世子

公與世子詣朝有德君出御黑書院召世子

于前賜以名之偏字許稱松平氏叙從四位下

任伯耆守且賜杯及良刀世子乃改名宗貞是

月阿波海部郡日和佐村火延燒海濱民舍是

胃肆外已
三十五
本村也

歲阿波淡路兩國旱蝗耗賦稅指一萬六千百
三拾餘石明年正月奏之大府十一年大
府有命檢阿波淡路兩國人數作簿獻之爾後
每子午年檢而獻之以為恒例四月公歸自
江戸是歲阿波淡路兩國旱蝗耗賦稅九万六
百九十餘斛十二月奏之大府十二年七月
以國用不足大下節儉之令八月公覲江戸
世子生男于江戸名定千代後改常千代九月
公年六十七請杖于殿上許之十月德島火

延燒新街魚街賀島政之請収魚街半街廣其
宅地許之先是慶長中正勝公女嫁黑田長
政筑前有故離婚終與黑田氏絕至是松平賴
貞大學頭周旋合交十一月公與黑田繼高筑前
守相見于殿中爾後使人互相往來云是月
大府使人賜雁緣姬矢法謚曰智明院玉溪宗
月葬于江戸廣德寺十二月德島火延燒福島
會所十三年正月公將告老致仕託朝倉某
是十郎及井伊直定因幡請之于大府數日老

中以書召公及世子于朝公使直定代已
與世子共詣朝老中傳命許公致仕使世子
宗貞公襲封公乃改稱左衛門尉宗貞
公改稱淡路守請之大府即日許可公乃
遷居于芝郎宗貞公遷于鍛冶橋郎未幾使
井伊直定代已與宗貞公共詣朝見有德
惇信二君謝恩獻大刀一柄黃金五枚綿三
十把良刀一柄栗毛馬一疋于有德公又獻
太刀一柄黃金五枚良刀一柄鹿毛馬一疋于

惇信君老臣稻田兵九郎賀島主山田後三名
亦見于二君獻太刀馬價縮緬等物二月
公將歸國養老宗貞公使朝倉某甚十郎請之
于大府有命許之賜帛五卷三月公歸自
江戸居于西城公主國元五十一年其在江
戶也每年首及佳辰朔望寒暑必詣朝述賀且
問安否大府月忌必至上野增上寺拜廟及
其歸國也大府月忌必至松巖寺還國寺祖
先忌日必赴興源寺瑞嵩寺如江戸之禮五十

渭津外記

三十七

卷之二

年間未嘗少怠也其重 大府厚祖先如此

渭津外記卷之二終

